

道腴室遺詩

一冊

丁卯夏五月

道腴室遺詩

年家子陳寶琛敬題

道腴室遺稿序

詩之爲誼大矣仲尼教人以詩爲雅言其子鯉趨庭告之以不學詩無以立鯉退而學詩小子門下士也又教以何莫學夫詩詩可以興可以觀可以羣可以怨多識鳥獸草木之名夫至於興觀羣怨草木鳥獸雜遯簡編關雎鵲巢存列卷首烏可以別賢不肖哉然而孔子則曰詩三百一言以蔽之曰思無邪復謂伯魚女爲周南召南矣乎人而不爲周南召南其猶正牆面而立也與又曰關雎樂而不淫哀而不傷者何邪蓋不以文害辭不以辭害志殆是之謂已三代廢而羣雄起治意與古道負殊賢士失志比於

凡庸猶或作賦諷詠國事若屈原宋玉之騷司馬相如楊
雄之賦皎然炳乎日星過此澹然而氣靡矣六朝以降詩
運代興宋室南遷閩省正當衝要巨儒朱子起於其間從
者雲集詩賦作爲客卿之談於是邵武嚴羽儀卿創建別
才別趣之說著爲滄浪吟卷評隲自漢以下宋以上定爲
若干等例元明人尊奉之無敢踰越尺寸者降及我朝
永福黃任莘田其詩細膩溫柔不爲滄浪所囿嘉道閒建
甯張濟亮亨甫矯焉特起爲詩雄雅壯麗實超逸全閩諸
先達上長汀江獻卿先生推其獨出千載也一日余與先
生之令子叔海院長談及亨甫詩奇偉叔海以爲知言遂

檢先生遺稿見示屬余爲序讀其詩類皆典麗儔朗當與
莘田亨甫詩並垂詩名道腴室遺稿先生之意不在於詩
而在於檢行儒術故所傳祇此詩凡二百八十九首分爲
兩卷云

光緒二十一年三月遵義黎庶昌序

道腴室遺稿卷上

壬子十一月廿四日北上口號

祖帳故人誼公車 新主恩壯心馳北闕佳氣靄東門行
李書三篋寒梅酒一尊驪歌催落日策馬望前邨

子陵釣臺六首

新室積風逐逝波挽回功賴故人多如何冠劍雲臺滿不
畫桐江一釣簑

東海雄風誇尙父未央冤氣惜王孫富春山上先生笑盡
把漁人舊局翻

偶伸一腳犯君王天上星辰誤著忙惹得羣仙笑梅福君

家嬌客太清狂

鄴侯刻意學先生一夢官家枕上成到底天心輕將相不
教帝座受虛驚

底事蕭王逐鹿秋偏忘物色到羊裘翻從赤伏呈符後欲
把夔龍屈許由

貧賤交猶不可忘麗華何獨寵專房故人不向桐江去忍
見糟糠忽下堂

錢塘懷古二首

石鏡塵飛錦樹秋居民猶解說婆留霸才開國稽山踐高
唱還鄉沛縣劉一陌花開妃子笑三千弩發海神愁祇嫌

討賊違昭諫竟肯稱臣學仲謀

二聖青衣行酒去九哥白馬渡江來
志非句踐薪難卧身是錢鏐國易開
汴洛自教長腳賣岳韓誰使壯心摧
從今莫更談恢復張浚原非將相才

游西湖題壁二首

蘇小乘車郎跨馬蕭娘勸酒嫂烹魚
鶯花尙欠相思債山水如繡未見書
處士生涯宜放鶴將軍晚境合騎驢
緣何少伯浮家去不挈西施此卜居

白雁聲中王氣收至今歌舞未曾休
岳王塚古麒麟瘦賈相堂空蟋蟀愁
三竺進香人喚渡兩隄沽酒客登樓
畫船

商女知多少誰是當年菊部頭

和友人西湖詠古詩六首

甘把西湖換汴京香孩兒恨最難平可憐榻畔中原地盡
是金人鼾睡聲

湖上紅樓樓上歌水光山色照青娥客來也愛杭州住莫
爲偏安笑九哥

岳韓百戰枉英雄廟算無心返兩宮卻被卧薪人暗笑鳥
猶未盡已藏弓

權將葛嶺當樊襄蟋蟀新開小戰場門外羽書休告急相
公忙殺半閒堂

黃胖游春不再行南園遺址綠蕪平關心最是隔籬犬猶
學當年師蠱聲

望帝魂歸識阿誰帶聲飛入鄂王祠六橋不種冬青樹但
見垂楊千萬絲

岳王墓上作二首

十萬師班一紙書小朝廷上意何如歌來白雁機先兆飲
到黃龍願竟虛秦相有妻同縛虎韓王無伴獨騎驢孤忠
恰似西湖水不學濤聲怒子胥

涅背精忠氣不磨棲霞高冢鬱嵯峨風波獄竟憑三字雪
窖人猶盼九哥鑄錯空教成鐵像辨誣甯復藉金陀祇應

地下宗留守相見同聲喚渡河

伍相祠

瀨金千兩艱三百恩怨快心誰似公生與包胥爭一擲死
邀文種作雙忠長洲霸業隨流水小海歌聲咽晚風莫爲
鴟夷有餘怒錢塘終古賽英雄

至蘇州作

山號靈巖水太湖繁華從古屬姑蘇鐙船酒綠徵歌伎柳
岸樓紅入畫圖劍冷荒邱無踞虎鐘鳴曉寺有嘯烏東風
不肯留人住空羨扁舟范大夫

虎邱四首

短簿祠前水泊隄，釵光鞭影望中迷。
不教閒殺山塘草，纔過弓鞋又馬蹏。

花下芳樽酌闔閭，埋藏神物意何如。
興亡總是無情劍，先殺王僚後子胥。

回首姑蘇麋鹿游，黃池霸業忽然收。
無情最是生公石，訴盡興亡不點頭。

五人生氣尙淋漓，想見揮拳怒擊時。
可惜梁鴻身早死，祇知穿塚近要離。

姑蘇臺

卧薪人未至，鬻薪女先來。
可憐歌舞夜，自火姑蘇臺。

道服三遺和
夜飲虎邱樓上卽事

神劍光芒萬丈中
酒星高照綺羅叢
尊前絲管鶯聲脆
檻外江山虎氣雄
近水月明波捲白
試鐙風軟燭搖紅
家童且莫催歸去
座有吳娘曲未終

金山寺

海門關不住
蓬萊飛墮江
心梵宇開
僧與魚龍分
寺界客收吳楚
入詩材
濤聲怒捲南
朝去山影輕浮
北固來安得
袁絢歌一曲
月明酣醉妙
高臺

由鎮江渡江夜泊瓜州二首

鐵甕城西路
長江夕照紅
臨流驚浩蕩
擊楫想英雄
浪湧

千層雪帆飛五兩風金焦回首望煙靄有無中
江月照瓜州開窗豁遠眸六朝興廢感一色水天秋
佛狸帳雲迷蕭帝樓將沾南充酒澆盡古今愁

晚泊揚州城外

年來怕作繁華夢薄暮停橈望廣陵水氣白浮螢苑月星
光紅上酒樓鐙三千殿腳人何在十萬纏腰我未能卻笑
阿麼呼不醒至今魂魄尙曹騰

舟中對月

多情廿四橋頭月流照江干杜牧之似識前生曾有夢不
應今夜竟無詩繁華錦纜空懷古薄倖青樓更屬誰輸與

通志室遺稿
五
鄰舟估客樂玉簫猶趁五更吹

揚州雜詠四首

煙波十里柳千株曾見君王好頸無一自錦帆游幸後人
間纔覺羨江都

賭墅風流憶謝安甘棠遺蔭未摧殘廣陵赤子東山妓太
傳鍾情總一般

報主心傷燕子箋梅花春老自年年忠魂莫讀蕪城賦回
首金陵更可憐

花氣濃如百合薰畫船歌吹遏行雲紅橋占盡人間月誰
說揚州只二分

謁史閣部像

小朝廷上立孤臣開府維揚敢惜身正氣前生曾殉宋新
聲後主又亡陳春鐙燕子飛無影冬嶺梅花畫有神馬阮
空遺萬年臭九京何面見斯人

召伯湖

懷古空吟洛下生櫓聲如雁過新城當年共灑羊曇淚此
埭猶留召伯名人媿東山休挾妓地連北府好談兵邇來
江上驚風鶴別墅誰堪賭一枰

漂母墓下作

英雄餓死本常事不死纔知有天意祖龍失鹿羣雄爭天